



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01- /14
Datum: 07.01.2014.godine

PRIJEDLOG

Na osnovu člana 8. stav 2. Zakona o matičnim knjigama („Službene novine Federacije Bosne i Hercegovine“, broj: 37/12), Općinsko vijeće Općine Tešanj na _____ sjednici održanoj dana _____ d o n o s i :

O D L U K U

o određivanju matičnih područja i njihovih sjedišta

Član 1.

Ovom odlukom određuju se matična područja kao i njihova sjedišta za koja se vode matične knjige (rođenih, vjenčanih, umrlih).

Član 2.

Matična područja određuju se za matične urede: Tešanj, Jelah i Tešanjka i pripadajuća mjesta.

Član 3.

Upisi u matične knjige vrše se u matičnim uredima u: Tešnju, Jelahu i Tešanjci, a u područnim matičnim uredima se samo izdaju izvodi iz matičnog registra. Usluga izdavanja izvoda iz matičnog registra vrši se u određene dane u sedmici, broj radnih dana područnih ureda određuje Općinski načelnik u zavisnosti od potreba.

Član 4.

Za matične urede općine Tešanj određuju se slijedeća matična područja :

MATIČNI URED TEŠANJ vodi matičnu knjigu rođenih, matičnu knjigu umrlih i matičnu knjigu vjenčanih za matično područje dosadašnjeg matičnog ureda Tešanj sa pripadajućim naseljenim mjestima: Čifluk, Dobropolje, Džemilić Planje, Jablanica, Karadaglije, Koprivci, Mekiš, Raduša, Ripna, Logobare, Tešanj, Trepče i Tugovići.

MATIČNI URED JELAH vodi matičnu knjigu rođenih, matičnu knjigu umrlih i matičnu knjigu vjenčanih za matično područje dosadašnjeg matičnog ureda Jelah sa pripadajućim naseljenim mjestima: Blaževci, Cerovac, Jelah, Jelah Polje, Drinčići, Jevadžije, Piljužići, Potočani, Rosulje, Vukovo, Miljanovci, Novi Miljanovci, Lončari, Bobare, Kalošević, Mrkotić, Orašje Planje, Putešić i Vrela.

MATIČNI URED TEŠANJKA vodi matičnu knjigu rođenih, matičnu knjigu umrlih i matičnu knjigu vjenčanih za matično područje dosadašnjeg matičnog ureda Tešanjka sa pripadajućim naseljenim mjestima: Kraševo, Lepenica, Šije, Tešanjka, Ljetinić, Novo Selo i Medakovo.

Član 5.

Posebna knjiga državljana za lica iz člana 22. Zakona o matičnim knjigama („Službene novine Federacije Bosne i Hercegovine“, broj: 37/12) za sva matična područja matičnih ureda nalazi se u matičnom uredu u Jelahu.

Član 6.

Za provedbu ove Odluke zadužuje se Općinski načelnik putem resorne Službe.

Član 7.

Ova Odluka stupa na snagu danom donošenja i objavljuje se u Službenom glasniku općine Tešanj.

PRESJEDAVAJUĆI OPĆINSKOG VIJEĆA

Fuad Šišić, dipl.ing.maš.

O B R A Z L O Ź E N J E

PRAVNI OSNOV:

Pravni osnov za donošenje ove Odluke sadržan je u članu 8. Zakona o matičnim knjigama („Službene novine Federacije Bosne i Hercegovine“, broj: 37/12) i članu 13. Zakona o principima lokalne samouprave u Federaciji Bosne i Hercegovine (“Sl. novine Federacije BiH broj:49/06).

RAZLOZI ZA DONOŠENJE ODLUKE:

Donošenjem novog Zakona o matičnim knjigama („Službene novine Federacije Bosne i Hercegovine“, broj: 37/12) zakonodavac je ostavio mogućnost da Općina donese Odluku kojom će odrediti mjesta (područja) za vođenje matičnih knjiga (matična knjiga rođenih, matična knjiga umrlih i matična knjiga vjenčanih), te je u odluci predloženo da se za matična područja dosadašnjih matičnih ureda vode jedinstvene matične knjige, a ne kao do sada po naseljenim mjestima.

OBRADIVAČ

Služba za boračko invalidsku

zaštitu i opću upravu

Nerminka Handžić, dipl.prav.

PREDLAGAČ

OPĆINSKI NAČELNIK

Mr. Sc. Suad Huskić, profesor

